


國
權

臺灣國家圖書館 NATIONAL CENTRAL LIBRARY, TAIWAN, R.O.C.

國權

起天啟六年盡七年八月



丙寅天啟六年


正月乙巳朔周應秋為左都御史起岳和聲右僉都御史巡撫

順天

己酉 御史方震孺永茂

壬子 遂外戚新城侯王昇

癸丑 陸卿榮為右僉都御史巡撫浙江 夏爰居未任



臺灣國家圖書館, NATIONAL CENTRAL LIBRARY, TAIWAN, R.O.C.

工部 蕙太僕少卿曹欽程削籍所領陵工神木廠銀筭
訖許歸刑科給事中潘士聞論其不簡敗郡也士聞與欽程
同門

談遷曰潘士聞非稱端謹猶以曹氏為不簡敗群則欽程
之穢擢髮難赦矣

丙辰工部尚書黃克績罷克績八旬重聽魏忠賢侮之

左副都御史徐大化論提督九門主事呂一奏徐州管倉主

事張璇九江鈔關主事王行儉北新關員外郎馮士杰并請

毀李三才張雲翼毛士龍生祠

工部員外郎劉鱗長削籍以奔競也

吏部奏起前遼東招練副使劉國縉以糜帑被論不許

己未諭內閣曰 皇祖早建元良式端國本父慈子孝原無

間然而奸人王之宥翟鳳翀何士晉魏光緒魏大中張鵬雲

等乃借挺擊以要首功我 皇考因哀得疾純孝彌彰奸人

孫慎行張問達薛文周張慎言周希令沈惟炳等乃借紅丸

以快私怨迨朕續緒正統相傳奸人楊漣左光斗惠世揚周

朝瑞周嘉謨高攀龍等又借移宮以貪定策之勲而希非望

之福將馮几之遺言委諸草莽以待封之宮眷視若寇仇臣

子之分謂何敬忠之義安在幸天矜朕衷仰承 先志康妃

皇妹恩礼有加凡三案被誣者皆次第賜環布列有位嘉言

因伏朝政肅清特允部院科道之請命史臣編輯成書徵明
倫大典故事輔臣少師顧秉謙丁紹軾太子太保黃立極馮
銓為總裁礼部左侍郎施鳳來右侍郎楊景辰詹事 姜逢
元 曾楚卿副之戶部左侍郎徐紹吉左僉都御史謝
啟光修撰余煌編修朱繼祚張紳華琪芳吳孔嘉簡討吳士
元楊世芳纂修中書舍人喬煒秦之垣李相騰錄擇庚午開
館名三朝要典

甲子尚室司少卿范鳳翼大理寺丞姜習孔吏科右給事中
孫紹統戶部郎中吳鳴虞主事傅梅並以邪黨削籍御史魯
應瑞論之

薛鳳翔為工部右侍郎

戊辰張樸為兵部左侍郎兼右僉都御史總督宣大山西

陳廉以失儀削籍

己巳關鳴泰以原官兼右僉都御史整飭薊鎮遼備巡撫順
天

金師合蒙古渡河五六萬騎攻寧遠副使袁崇煥倡絕兵漕
桂叅將祖天壽副總兵朱梅等力禦之連發西洋砲相持三
日夜敵氣沮退走灰山斬二百六級初敵勢張甚人心惶駭
欲遁自崇煥堅拒氣始振關外九城屹朕拱護山海
大學士周如磐卒

吏部

夏之令卒於獄

二月甲戌朔

丙子御史高弘圖言東事方殷請暫停營建不許

李春燁郭允厚為兵部左右侍郎郭允厚添注右侍郎時推
斬於中閔洪學不允

己卯兩廣總督商周祚言禮部以各省提學闕防篆犯御名
改鑄惟江西山東山西未換今廣東亦應改鑄從之

御史石三畏劾籍以條議輕率荐奉失當罪之
札科給事中李恒茂劾奪官誥疏內悞山西為山東
申申寧遠猷捷

己丑前太常少卿曾汝召參政魏士前及前降編修方逢年
章允儒簡討顧錫畴丁軋學給事中熊奮渭却土膏章允儒
主事李繼貞並劾奪官誥土膏仍追贓南京 御史徐

復陽所劾

御史田唯嘉違限三月餘削籍

庚寅奪故太常寺少卿鮑應鰲贈光祿寺卿故太僕寺少卿
陳大綬贈光祿寺卿亦徐復陽疏絕黨根也

廕魏忠賢都督僉事仍宣付史館工部左侍郎崔呈秀言其
觸事懷忠也

辛卯前御史張慎言坐監守自盜永成肅州衛從山西建撫

柯景之讞

談遷曰曹欽程之誣陷諸君子也俱下詔獄死獨張待御
就訛撫按或功其檇椒自隨不之聽陽城令擬點戍補伍
之日不得家別一觸嚴網殆無人理嗚呼罪疑維輕侍御
殆不幸之幸也

逮前 御史周宗建左諭德繆昌期

李思誠為禮部尚書董可威為工部尚書畢自嚴為南京戶
部尚書張鶴鳴為南京工部尚書仍太子太保

癸巳故廣南知府周維翰贈叅政以家人瘴沒撫按閱之請
卹

戊戌孫杰為工部右侍郎協理殿門工程

御史倪文煥疏中外諸臣助餉

海運通判吳世科以千金寄弟中書舍人之瑞事發並戍

來宗道為南京禮部尚書詹事府禮部尚書錢象坤罷

起許弘綱南京兵部尚書

癸卯郭肇為大理寺 少卿

是月攻覺華島焚右屯共燬糧七十萬石總兵楊麒不救島

將姚與賢李士登王錫斧王鰲李一葵張其性翟繼臯徐國

蕃金士騏俱敗沒

三月甲辰朔遼東總兵楊麒削籍山海關主事陳祖苞免工部

左侍郎崔呈秀論麒應援不前祖苞科索取怨
東廠獲遼人武長春云娶前南京礼部郎中洪敷教女月餘
女夭繼李永芳女入京窺伺遂重論長春實狎使李鳳兒爭
之見誣敷教後推保定守不許敷教辨其非壻不過以違宦
僅一人析緩死耳

連應天巡撫右僉都御史周起元前吏部員外郎周順昌左都
御史高攀龍御史李應昇黃尊素浙直織造太監李實奏其
邪黨貪婪也實迎魏氏意空奏印入其黨劉若愚草上株及
松江知府張宗衡同知孫應崑
丙午經略兵部尚書高第引疾免

戊申太子太保左都督魏良卿封肅寧伯世襲賜誥券
磔武長春

諭內臣出鎮司礼太監劉應坤鎮守山海關御馬太監陶文
紀用協守御馬監太監孫茂霖武俊王蒞朝分守中軍並駐
山海關時閣臣進揭兵部尚書王永光特疏吏部尚書王紹
徽等公疏止之丁紀軾上言不可以為分將吏之精神害一
掣戰守之肘害二文武相害陰嗾鼓噪害三且太祖禁內臣
不得典兵世宗罷除鎮守今何遣也 上覽之心動欲寢而
首揆意右內臣工科給事中虞廷陞入內閣工魏忠賢問閣
部云何各相顧未發馮銓曰 上意已決即行何害

庚戌袁崇煥為右僉都御史巡撫遼東山海
廕魏忠賢都督同知時有質蟒幣於外戚王仲良者厥校索
之不得逮械死

辛亥劉志選為順天府丞

己未前左都御史高攀龍卒無錫人萬曆己丑進士闈連寫
遺表固緘囑子世儒事急啓之詒家人寢丙夜整衣冠投于
園池表曰臣雖削奪舊係大臣大臣受辱則辱國故北向叩
頭從屈平之遺君思未報願結來生又別友人東僕得從李
元札范孟博遊矣一生孝力到此亦得少力心如太虛本無
生死何幼質之足恋乎崇禎初贈太子太保兵部尚書謚忠

憲

庚申南京戶部右侍郎區大倫魏說削奪官誥河南道御史
何早論邪黨漏網也

御史牟志夔請追張問達賍命責十萬助餉

給事中 卍詩教免御史李懋芳論之

辛酉蘇人以周順昌清忠素著聞其逮也群毆從較李國柱
死之官置顏佩章等五人於法後人葬于虎丘名五人之墓
癸亥王之臣為兵部尚書兼右僉都御史經略遼東薊鎮天
津登萊閩鳴泰總督薊遼

翰林學士成基命罷以久依門戶也

鄭崇光

周大成罷

汪汝祥

汪澍削奪官誥從閣臣之請

禮部主事畢自肅為寧前道參議兵部職方主事孫元化贊畫

丙寅

姜逢元罷以呈身門戶也

己巳刑科給事中周洪謨罷以久依門戶也

魏忠賢廢都督同知以捕盜功

四月癸酉朔

丙子工部左侍郎崔呈秀兼右僉都御史從御史田景新之請

應天巡撫右僉都御史王一鷺巡按御史徐吉言蘓州民變上切責之

兵部右侍郎熊明遇巡撫順天右僉都御史鄧漢考功郎中鄒維璉巡撫宣府右僉都御史徐良彥並改戊右通政黃龍光戊邊僉妻往

給肅寧伯一万九千金治第工部尚書董可威為請

己卯命南京守備太監劉敬楊國瑞遣胡良輔劉文耀覈應天淮揚鹽運司各庫銀約百五十餘萬助工

癸未周宗建繆昌期下詔獄

甲申孫國楨為太僕寺少卿

乙酉御史劉大受王心一削奪官誥大受違限心一徇情結
甚也

戊子叙寧遠功進顧秉謙太保廢錦衣衛千戶丁紹軾黃立
極馮銓少保奠太子太保戶部尚書武英殿大學士廢副千
戶孫承宗改吏部尚書廢正千戶魏廣微副千戶並世襲魏
忠賢廢都指揮使劉應坤正千戶胡良輔紀用陶文百戶並
世襲王永光兼太子太保正千戶袁崇煥進兵部左侍郎餘
官如故廢正千戶並世襲巡關御史洪如鐘候推京堂總兵
滿桂趙率教進右都督世本衛副千戶
壬辰工科給事中虞廷陛言要典告成請禁天監錄點將錄

初終錄同志錄石碣錄偽鑿錄等書從之時太監胡良輔從
子岐山偵事江南德清蔡爽琛因邀至海寧吳中彥家同嘉
興某成天監錄專許東林分注共五百七十人託撫標把總
某致之忠賢行五千金謀召中彥
乙未前御史李應昇下詔獄

丙申光祿寺丞劉光復贈太常寺卿廢監

戊戌太僕寺少卿史弼削奪官誥以素依門戶也

南京御史張繼孟削奪官誥下法司追贓大理寺左寺正許
志吉叅其貪污邪惡也

命撫按連黃尊素入京初錦衣千戶張應龍文之豹至蕪州

值民變失駕帖而止故有是命自是不遣緹較

庚子吏部文選員外郎李白春削奪官誥初顧秉謙引之入銓不以貨報或曰請俟異日秉謙仰其堂曰我老年須見物安用此道學語也

大學士丁紹軾暴卒

五月壬寅朔

癸卯左諭德繆昌期卒於獄昌期江陰人萬曆癸丑進士辛酉主湖廣試程策刺皆及楊漣劾魏氏為竄定奏草又辭魏氏墓碑益見忤羅織益死仍追贈崇禎初贈詹事謚文貞廕監

談遷曰予讀終當時自序云福唐密揭諷上准忠賢退歸私富過加優渥上不失息意下明其退讓兩得之道也揭入大排內意福唐懼揭言此揭我門生所迫流言應山山䟽出于吾手嗟乎福唐名寬大豈真欲殺我哉不過借以自解而借福唐以用其殺手者更慘矣辛壬之際應山家居見官府可異事不勝憤惋癸亥之出托少子于其執友御老母以行其矢志也固不專為江西事時䟽之上也相城實贊成之而示几微于我、答非可聞、夫擊內者只爭呼吸耳一不中而國家隨之况今日內無永外無文襄可几偉乎相城默狀 應山䟽上逆知其有今日也皆天也

故左都御史贈太保孫瑞道奪誥陝西巡撫喬應甲刻其
邪臣漏網也

夕鬼大見正陽門樓上如數百螢火合之如車輪

丙午前給事中毛士龍戍 俞妻往文選員外郎夏加選

城旦尚寶司卿姜志禮削籍嘉遇草亭人庚戌進士崇禎初

贈太常寺卿

丁未王恭殿災東自順城門北至刑部街壞民居萬余區男
婦死者甚衆蓋火藥局驟發也

玄武門火神廟是早守門內臣聞樂音三疊出自廟中見有
火龍滾出騰空而去衆方扁目俄東城聲如霹靂天地昏黑

上在乾清宮走避建極殿御座俱傾大殿工人墜死二千餘
人凡死傷俱裸露衣服飄掛西山之樹昌平教場衣服成堆
員弘寺街轎中女赤体無恙石駙馬街大石獅飛出順城門
外

己酉諭修省

工部尚書董可威以大灾折臂免

大理寺左寺正許志吉礼科右給事中張惟一各許

辛亥薊州地中掘出二人尚活問之如夢又掘一老人亦活

俱京師飄墮者州離京百八十里

癸丑改御用監外舍為安民廠移貯神器

行人司行人臧炅如改名昇

甲寅太子太保兵部尚書王永光言修省之實如刑獄繁死
生人命董以士師申以覆奏誠謹之也今罪囚半歸詔獄追
贓即以畢命雖其人自不寃而於好生之德毋乃未愜乎甚
至秋後與不時并律囊首典絞斬同斃痛快之事每干天和
自今以往輕重罪囚悉付法曹使罹法者目覩自作之孽比
附者幸邀祝網之恩罪疑惟輕者或開其湔雪減免之一綫
罰當其咎者仍念其子孫父母之無辜肅殺之後繼以陽春
此其時矣至於軍儲告匱土木繁興豈不知生財為急而急
土木不如急軍儲議搜括又不如議節省今既搜無可搜括

無可括而瓊屑凌雜盡以入告竊恐焚林竭澤之後能無魚
驚鳥散之憂請自皇極告成暫停工作悉以海內之物力并
於軍前之輓輸寢其屑瑟之誅求益見 聖心之惇大侯疆
宇廓清再完堂構未為遲也

丙辰崔呈秀請停百官俸助工從之

丁巳命外戚張國紀回籍治喪例給祭葬命母陳乞

已未納來女陳氏楊氏周氏

辛酉前御史黃尊素下詔獄

乙丑閣臣進三朝要典

丙寅朝天宮灾

薛鳳翔為工部尚書

葉大受削籍時吏部推職方郎中旨謂其歛弄是非排陷正人

庚午給肅寧伯地七百頃

辛未安南故都統使黎維祺遣臣阮實陳有禮補貢萬曆四十五年四十八年入鎮南關之昭德臺拜謁如禮

貴州都指揮使張雲鵬擊安邦彥於趙官堡大敗之初邦彥率衆渡江魯欽力禦之因乏餉軍潰欽自剄死苗仲復助逆貴州大震巡按傅宗龍遣兵攻河沙羅鬼盡俘之定番青岩白納苗蠻奪氣繼遣雲鵬逆戰四日賊潰埽道路復通後贈

欽少保謚立祠廕指揮僉事

忠義夫人卒即隆慶四年那吉妻來歸者也以欽市故鄉祀如忠順

六月壬申朔

丙子大同地震廣昌城傾多妖祟驚人旬日始息靈丘地裂出黑水

茅元儀削籍時擬副總兵銜元儀噉文名將孫承宗幕下

范濟世為工部右侍郎協理工程

丁丑皇子慈炆薨謚獻懷太子

雲南地震有聲

壬午諭群臣毋挾縱橫之術英惑人心自是詔獄諸臣益絕
生望

丁未詔曰書言堂構詩詠似續朕自臨御以來未嘗不寤寤
深維之也嗟 列聖相承在宥之宸居迫 世宗肇錫皇極
之嘉號爰及 神祖運值更新乃物力維艱於儲胥而垂工
尚稽於制作留厥鉅典昇在朕躬追念先猷敢後經始乃者
藉我宗枋社稷之休貺典爾卿士庶民之胥從六府鳩工百
靈受職襄茲崇構還予舊規朕用 諏於九月二十五日肇稱
殷札告成 祖宗蒞見群后於戲役非得已永思志事之遺
居豈求安式副續承之重顧名思義建極敷言俾予一人嗣

有令緒亦爾萬邦之克有成勞也特渙明綸用昭盛舉布告
中外咸使聞知

戊子太常少卿韓維思罷南京右都御史喬應申致仕免

前太僕寺卿劉文徵卒文徵雲南人萬曆癸未進士令新都
歷南京鴻臚寺卿加今銜

前吏部文選員外郎周順昌卒於獄順昌長洲人萬曆癸丑
進士其下獄被拷最甚挺不挫故死尤慘崇禎初贈太常寺
卿謚忠介

庚寅三朝要典成大學士顧秉謙黃立極馮銓札部左右侍
郎施鳳來楊景辰詹事孟紹虞曾楚卿戶部左侍郎徐紹吉

左僉都御史謝啓光修撰余煌編修朱繼祚張紳華瑛芳吳
孔嘉簡討吳士元楊世芳中書舍人喬煒通政經歷司知事
李相共表上御製序曰嗟乎小人之禍人國甚哉指宮闈為
攘功之地則翼戴莫出其先誣君父以不美之名則定策肯
居其後且事極常而故張之踪本杳而故文之或十餘年或
五六年幾成蠅蟻沸羹之世宙藉非 皇祖皇考默矚朕衷
則真是真非其何結局之有常我 世宗嘗慮統嗣混而不
得尊其親故其書主於定大統在朕今日慮貞邪淆而將不
免於誣其親故是書主於剖大疑今天下萬世覩是書而悟
曰前星立矣籙封遺矣即有風癩立付市曹於國本無恙也

其無容疑者一鼎湖之悼實慕緣孝篤疾以慕深孰得以一
月天子掩其為千秋聖人哉其無容疑者二筑疫集蓼此何
咎也遺言未往封號在心宮自當移寧俟偪而後移其無容
疑者三雖朕中興之業不敢望 世宗或庶幾可免於戾乎
甲午前御史周宗建卒於獄宗建吳江人萬曆癸丑進士自
德清仁和令入臺慷慨敢言時諸君子在獄榜掠甚苦心知
其貧橫坐贓日奉梏於庭鞭使入納不應則繫家人絕素饘
夜半許顯純片紙入立報氣屬又戒毋即出往往至腐骸目
不忍視崇禎初贈太僕寺卿謚忠毅廕入監

張溥曰歷觀治亂寺人之禍無有大焉者也東漢之季小

臣盈朝破舍柱壞冢舍發其奸私勢宜衰止一不振而海內
賢人皆殞其手况彼方炙者乎自古外廷與內角不聞一昧
豈盡不密者繇其陰賊著心禁近勢便也周公踴躍奮身以
除左右之惡不憚再三欲匡王國而使正公固不欲免即欲
免其可得乎

高 拭曰史子之際縉紳盡與婦寺為緣獨公與婦寺為
難此豈將破柱埋輪之虛聲哉義氣所激實欲清君側之
惡耳正人盡斥逆黨盈朝螳臂當車抵成螿粉矣其居常
之言曰七尺可輕今果輕七尺也七尺輕而名重如山誰
謂七尺之徒輕也乎哉

己亥命逮欽縣吳養春養春世以資雄前與弟養澤爭黃山
巡按駱駝曾奪其半入官旨不下養澤沒蒼頭吳榮得罪脫
入京訐養春私黃山事贓六十餘萬株及富室程夢庚吳君
實等

庚子兵部郎中吳淳夫論輔臣馮銓裴馬之曹仍在輕浮之
氣未除意欲太奢文游不慎致山人墨客戶履為盈斷梗死
仄望門而至蓋指門客程夢庚某元儀輩也御史劉徽陳朝
輔皆糾之朝輔尤剴切

雲南大水

閏六月辛丑朔京師大雨水壞房舍溺人良鄉至城溺武清東

安如之

壬寅浙江巡撫右僉都御史潘汝楨請立魏忠賢生祠許之
初杭州通判唐登儁專織幣先祠之清波門太監李實隘之
更創於北山規制闕敞囑汝楨祠額時織幣缺額且議採雲
霧山木汝楨意甦民困遂疏聞賜額曰普德官守祠沈堂錦
衣衛百戶

趙維寰曰丙寅以後中外鎮撫諸臣為魏璫建祠其議始
自吾浙潘撫不能力持未為无咎狀浙祠成於唐登儁遂
於李實事在乙丑秋冬間而潘撫蒞浙在丙寅四月間風
馬牛不相及也矧意在為民請命與他省之無因獻媚者

絕相遠乃廟堂不深惟本末竟以首倡重處

大學士馮銓免逮監生程夢庚初銓與崔呈秀相妬呈秀伺
其賄輒示魏忠賢遂陰遣人入銓家刺其實一日朝罷語銓
宜少絕吏兵部居間謝無有忠賢曰若極富貴寧少居間三
千金耶銓漸甚忠賢退叱曰爾耕曰大悞我事此庸人可作
相耶

談遷曰焦芳劉宇之不容於瑾魏廣微馮銓之不容於忠
賢橫閹頤指轉盼易嚮倖進者猶褰裳濡足以蹈之何也
太常寺少卿趙吳邦免

前山東道御史黃尊素卒於獄尊素餘姚人萬曆丙辰進士

自寧國推官徵入臺抗直見忌年四十三崇禎初贈太僕寺卿予祭壘弘光時謫忠端凡諸公死俱出獄卒業文仲事後事敗群捶死

劉一燝曰 熹廟乙丙之際余安忍言之哉余事 先帝 穆朕仁主也如水未波自宵人入闕與寔貞良擯落別用一番陰鷲貪戾之夫物情大變諸君子既不能牯牛積及於先人不能孚號於後徒以議論折乘墉問鼎之奸此受禍之所以益烈也 國家二百六十年闔禍三見而誅殺任意衣冠屠僇怨血生燐未有若今日之甚也振瑾所事者長君犹思驪龍之寤忠賢挾冲主若朝委裘何所顧忌

諸君子以夾目之苦心而先罹失身之顯禍不亦悲乎卒之移山有力蹈海無人 天子不名群情密附稱功勸進之章不減新莽而神器屹然天授有德謂非公與諸君子之浩氣有以默攝之乎 舒曰敬曰魏闈內挾妖蠱外樹群小蓄異立威故雖天地告凶而果於誅鋤亦緣諸君子履虎撩蛇第揚廷即戎是務而孚號有厲止聞焉獨公超朕遠覽欲破方隅以通天下之志而時無和者未能通志所以致命遂志公復何憾人所憾者十五人相繼以死國家元氣傷損實多蓋至今日妖氛蔽地殺氣彌天夫非損傷元氣之徵應乎則忠義

之闕繫世道者大也公祖瓊罹漢末黨禍名節有由來矣
談遷曰黃真長夙志耿亮受螫閹媪昔人所謂耻不與黨
也聞之李實在浙司房黃日新宗附真長日新譴死所以
駕其禍小人不可與作緣汪文言黃日新不殷之鑒耶

丁未謝啟光為南京兵部右侍郎

戊申前福建道御史李應昇卒於獄應昇江陰人萬曆丙辰
進士筮仕南康推官在西臺屢摘權貴崇禎初贈太僕寺卿
弘光時謚忠毅

吳偉業曰公以始立之氣有為之才早負盛名未歷強仕
雖天地否塞竄逐沉離天下尤望以黨禁終開足竟大用

而橫為奸臣所陷畢命牢戶暴尸道旁眼鼻虫出手足穿
爛獄中裂裳嚙血訣父手書自言三十餘歲便作一世人
矣嗟乎當終軍賈誼之年而受陳蕃李固之禍百世而下
讀公傳者未有不為之太息而流涕也

辛未順天府尹秦聚奎免

乙卯戶科給事中周之綱罷以依附邪黨也

戊午右僉都御史周起元下詔獄

己未太常寺卿陳宗契罷

癸未吏部尚書王紹徽免御史袁鯨劾其贓私狼藉也徽實
清介但北暱小人排陷正士卒為同類所攻惜哉

應天巡撫毛一鷺迎按御史徐吉報亂民顏佩章等五人正
法

戶部左侍郎徐紹吉免職方郎中鄭履祥及吳殿邦削奪官
誥

丁卯刑部尚書徐兆魁御史溫國奇罷國奇為劉鐸求寬於
兆魁又兆魁脫方震孺也

刑部 侍郎沈演削籍以司官開報舛錯也

詹魏忠賢都督同知總督薛貞頌其救失功

是月廣州大旱

黔兵攻司哈諸苗初安邦彥之叛籍其衆數掠清平新添至

是都指揮使張雲鵬率兵攻擺沙大寨乘夜襲破之賊遁入
箐會兵復攻高平養古諸寨斬首二千餘級

七月辛未朔江南北大風雨驟涌丈許

御史方大任罪城旦

壬申山海關大雨水

甲戌太子太保兵部尚書王永光罷

工部 李廷芳託疾免

周應秋為吏部尚書

巳卯房壯麗為左都御史馮嘉會為兵部尚書薛貞為刑部
尚書蘇茂相為督倉戶部尚書李春燁為戎政兵部尚書

河決淮安逆於駱馬湖灌邳宿

壬午王繼曾為尚寶司卿

史孔吉罷以高攀龍邪黨也

丙戌戶部尚書趙彥罷仍乘傳李起元免以郭允厚代之黃

運泰為戶部尚書督餉

施鳳來張瑞圖李國稽為禮部尚書兼東閣大學士直閣

丁亥大理右寺丞呂鵬雲罷

壬辰鄭崇光工部主事徐石麒削籍以鄉師黃尊素株及也

甲午牟志夔為大理少卿陳胤叢為大理右寺丞

乙未崔呈秀為工部尚書兼左副都御史仍督察大工路從

宇曹思誠為吏部左右侍郎兵部武庫郎中吳淳夫改職方

郎中董象恒為武庫郎中

劉天錫削奪官誥以周宗建邪黨也

丁酉袁可立魏應嘉為兵部左右侍郎

己亥朱童蒙為右副都御史巡撫延綏

福建總兵俞咨臯議撫海寇楊祿楊策等撫按皆從之自是

賊日熾

八月庚子朔

丙午下劉鐸方景陽等鎮撫司初鐸事白許還任而同獄外
戚李承恩之子端求鐸於御史溫國奇囑刑書徐光魁事泄

鐸復下獄督張休乾誣其同道士方景陽咀呪殿臣令谷
應選立達治之

御史侯恂給事中杜三策削籍時例轉科道劉之待周宗文
王會圖杜三策張鵬雲侯恂竟削恂三策

辛亥郭鞏為兵部右侍郎魏應嘉添設左侍郎

鶴慶姚安地震

癸丑鎮沅石屏州地震

乙卯進張體乾都督同知谷應選參將

庚申南京刑部尚書吳崇禮罷

雲南千崖宣撫司火星如月隕聲如砲

壬戌兩廣總督商周祚進紅夷砲十之初萬曆末紅夷艇沉砲
已解京二十二尚存其十也

甲子追程夢庚等贖十三萬六千金吳養春六十餘萬其黃
山木價三十餘萬俱助工廩魏忠賢世錦衣衛指揮使

聶慎行為吏部主事

通政使馬從龍請告勒致仕

丙寅永昌地連震

丁卯殺揚州知府劉鐸鐸未識方景陽羅織成獄蓋刑部尚
書薛貞意也鐸對辨貞曰今時圖身之功名何他人為鐸曰
一嘗功名有限千秋清議難逃貞大恨之崇禎初薛貞抵死

贈鐸太僕寺少卿

高汝拭曰詩辭即真不過語言文字罪耳何至詔獄詔獄矣而審非其筆指復原官可以去矣居閭閻說何為也惡得無罪獨怪司刑者讀聖賢書為天子執法臣不能以去就爭而殺人媚人耶夫殺人何事咀呪何律豈而造不面質祇一紙成案忠賢設俎而貞益之薪忠賢操刃而貞授之柄是何忍也

大理寺副董懋中為南京尚寶司丞

戒外戚張國紀省愆下徐自強等刑部順天府丞劉志選希璫意劾國紀恣肆謀陷國紀因獄中官也

前登萊巡撫右僉都御史武之望許廷里

陳王庭為太僕少卿彭汝楠為太常少卿

廣西按察副使曹學佺削籍毀其所撰野史

左副都御史劉廷元言三朝要典允稱信史 光廟實錄亟須裁定 上是之

九月庚午朔吏部 司 周文煥免

上傳太僕寺卿顧慥久疾家居罷之各官年老者各宜恬退

南京工部右侍郎盧大中罷

癸酉刑科給事中黃承昊削奪官誥

兵部職方郎中吳淳夫兼太僕少卿

姜雲龍削奪官誥

甲戌大理寺丞余合中罷

丙子曹思誠汪輝為吏部左侍郎輝仍以左侍郎攝右侍郎
兼侍讀學士

札部右侍郎兼侍讀學士錢龍錫通政使倪思輝太僕寺卿
徐如珂巡撫福建右僉都御史朱欽相並削籍

趙絳為通政使毛一鷺謝啟元為南京兵部右侍郎啟元
設李逢節為南京工部右侍郎

熊廷弼前餉關外七萬二千金下撫按錄其家助
工以御史梁魯環者快違餉也

辛巳通政使韓國藩須之彥並以門戶削奪官誥

通政右參議楊紹震為通政使呂圖南為南京右通政使

廣西巡按御史王政新罷以疏荐曹學佺也

壬午雲南巡撫右僉都御史閔洪學請優忠勤土司安南長

官司沙源進宣撫司龍在田設為昌明土巡簡王顯祖設為

龍馬土巡簡各給印吾必奎改襲元謀土縣丞從之

前應天巡撫右僉都御史周起元卒於獄海澄人辛丑進士

崇禎初贈兵部左侍郎廕監弘光時謚忠惠

甲申王伉為光祿寺卿

庚寅蔣一驄為尚寶司丞

辛卯李待問為右僉都御史巡撫應天

壬辰大學士顧秉謙免進太師廕尚寶司丞行人護歸秉謙

老悖無耻媚事忠賢餘輔效之褒諭益溢

都轉運使汪承爵削籍以剝商抗璫也

刑部左侍郎吳中偉乞休許之進尚書時老臣多湮鬚中偉獨否

談遷曰吳司寇廉靜人也不可則止既允蹈之而虐斂方騰箝網彌布如劉鐸之獄主以薛貞設張釋之徐有功值此當堅不署案時未聞吳司寇之輟筆也薛竟反坐吳亦匱嗣或難以無知委之天道耶

甲午 上御皇極殿受朝賀諭停刑

章光岳為南京太常寺少卿

蔡猷臣以黨罷

少卿王守謙寺丞霍景霽外使驪驛並免

丁酉太清太祖堯瀋陽子立是為太宗

十月庚子朔魏良卿進肅寧侯世襲賜誥券太監劉應坤紀用巡撫袁崇煥各加陞世襲

孝陵衛指揮李三才請立魏忠賢祠許之賜額溥仁

莽賊偏車里宣慰司直攻上江執宣慰使刁韞猛及子召河璇而退莽酋召霸浪烏罕者昔莽應禮之後曰莽曰緬曰阿尾其巢穴曰擺右曰翁陟曰洞吾即緬甸宣慰司去車里六千餘里莽侵孟良府孟良求助於車里宣慰刁韞猛遣從子

召控章援之故令報復刁韞後年八十餘急于求解出美女
金幣戰馬餅之奉首知其子召河璇有女召烏岡色絕貴獻
之充以他女莽怒來攻巡撫 閔洪學奏其事曰西南諸蠻
其大者三宣六慰今三宣無恙而六慰安在哉以六慰言其
一緬甸宣慰司即緬也其一車里宣慰司又一日八百一日
木邦一日孟養一日老撾各自雄長犬牙相制嘉靖初緬甸
為孟養所滅其酋莽紀歲舉族皆死惟莽瑞体兄弟數人走
免入洞吾因篡洞吾即緬甸宣慰使司借其兵力復仇日漸
強大四面吞併拓地幾萬里嘉靖末滅八百萬曆八年掠孟
養首思過十八年逐思過遂滅孟養十年掠木邦三十三年

執罕穰遂滅木邦以嘉靖間破老撾之纜掌撾已失東偏惟
西偏僅存未服屬緬賦亦久不通中國六慰既盡勢將及於
三宣為今之計即未能輕開緬釁亟宜聯絡諸蠻諸蠻分之
則渙而弱合之則聚而強昔緬滅木邦而不能有也以恩禮
食其地滅蠻莫而亦不能有也以思線食其地所用仍天朝
印今緬執車里之首未遽有其地必將更置其長立所愛者
而去之而車里之人未心帖也諸蠻之勢既聯則車里之釁
亦有可乘或不難相机而取事也得旨緬釁豈可輕開聯絡
諸蠻隨宜處置不必罷做中國從事荒微

談遷曰阿瓦車里之構禍自萬曆四十四年車里被兵魯

未請救瓦兵一至棄寨而奔至泥首受縛蓋車里在嘉靖
間兵敗於緬已折而入緬故有大小車里之號以大車里
應緬小車里應漢閩中丞請開罪於緬亦不過建白塞責耳
果爾吳師去滇八千里又李宓南詔之覆轍也

壬寅南京御史徐復陽削籍以居官賄聞也

癸卯左都御史房壯麗予告

甲辰錦衣衛

徐本高都指揮僉事沈光裕削籍以本高

門戶光裕素惡也

丙午以皇極殿功肅寧侯魏良卿進寧國公世襲給誥券
田三百頃歲祿二千五百石

壬子工部員外郎鮑思忠乞恩加陞不許

豐城侯李承祚請內臣出鎮登萊監督軍餉

叙殿功太監魏忠賢蔭都督同知賜金五十幣四王体軋梁

棟石元雅徐文輔李實劉應坤李永貞俱錦衣指揮僉事世

襲金同幣三餘劉忠等百戶尚書周應秋李思誠薛貞房壯

麗馮嘉會閔鳴泰李春燁郭允厚薛鳳翔俱進太子太保嘉

會蔭錦衣指揮僉事鳴泰仍總督春燁仍協理京營允厚鳳

翔蔭入監俱賜金三十幣二崔呈秀為太子太保左都御史

世蔭錦衣指揮僉事賜金五十幣三工部尚書董可威侍郎

李康先加二品服路從宇劉遵憲袁可立俱賜金三十幣二

徐大化孫志揚夢袞為工部尚書署左侍郎兼光濟世為左
侍郎仍署右侍郎賜金幣如前

胤駙馬都尉侯拱辰惠安伯張慶臻

錫 費天澤俱金四十幣二 傅應星李誠銘進

太子太傅金幣如上魏士望為都督僉事李國貞馬允升鄭

其心吳自勉王承恩李嘉訓張體乾郭欽俱全三十幣一李

文烈王家賓晉鳴珂張承祿俱金十楊夢袞為工部尚書仍

督工程賜金二十幣二郭丹言陳維新楊文岳王彥尹楊維

新楊所修陳胤叢郭興治張惟一殷國章陸文獻霍維華蘇

兆先潘士闈虞廷陞趙胤昌何廷樞何可伋王拱張樞陳朝

輔梁炳邢紹德袁鯨王時英魯應瑞俱金三十幣二丘履嘉

黃鳴俊喬若旻吳淳夫張爾嘉甯之翰田吉董象恒張著銘

鄒忠胤朱本吳蔣觀俱進一級金十五單明訓張文郁改京

堂金如上李養德加服俸二級金二十呂濬許原官致仕何

宗聖陳殷袁燠馮運泰湯齊楊維和俱進二級改京堂金十

五周迪吳國貞曾國貞馬維陞田大本吳炳劉有慧鮑國忠

許觀吉朱國盛徐四岳范珍陸懷玉周鳳岐蔣友筠葉憲祖

俱進二級金十五嵇相琦陸時選俱金十郭守仁為光祿寺

卿金三十徐應選杜大盈各為光祿少卿金十五齊光祖張

三綱張凌雲陳大同吳師禹俱進一級金十馬斯任于光燁